

林說小叢書譯
編五十二第

說小會社

緣因雪冰

四海卷上

行發館印務商

冰雪因緣卷四

英國卻而司迭更司著

閩縣林紓
仁和魏易 同譯

第三十一章

曉色甫動似竊竊穿入禮拜堂。堂即小保羅葬處。覺夜色尙潛伏隅陬。未嘗盡遁。而曉色似流涕自悲命運之短。蓋太陽之升即云晝不云曉。故曉色乃自知其迅短。淚痕卽一一漏諸扉罅之中。顧曉色一穿而夜色即大恐。遂潛藏於墳間及諸深黑之地。迨陽光一發而扉罅中曉色之淚痕立乾。深黑中之夜色亦驅除都淨。惟堂中鼠子却倥偬一夜往還於牧師衣笥及祈禱文之卷上。至此一聞門闢卽狂奔入窟。鼠肝葉葉跳動不已。時公差與司堂之人已同入。尙有司拂拭講座之老嫗。曰密昔司密佛者則瘦如枯腊人也。衣又單薄。周身體幹無有微腴之處。蓋已擁帶待於門次。半句鐘矣。此嫗蓋於此時乞聽講貴人數辨士。或一先零爲生。往往留其完備弗裂。

之坐茵。以待貴人。乞錢自贍。其夫已下世二十年。此媼初未叙。及其夫之名。蓋彼夫生時。不以座茵求錢。爲得計。力斥其妻之短。媼乃大憤。心中頗願其夫靈魂上升。然以宗旨不合。之故。終不及其名。今日密司乃大忙。舉地衣座褥。悉至門外。振去其塵灰。口中則論婚姻之事。據媼所聞。此次東貝家修治樓宇。購取家具。所費可五千鎊。又聞。確切之人言。新嫁娘之奩資。乃無半辨。士密昔司記性復佳。敍及東貝前妻之合婚。及其悼亡。又敍小保羅之命名。及其夭逝。歷歷言之。如昨日事。旣而曰。吾今且抹拭祭臺。加以浣濯。俾貴人至此。適其觀瞻。公差曰。密司忒宋子。坐於禮拜堂墀上。聞密佛語。至有味。乃曰。媼曾否知新嫁娘之貌。云何者。密佛曰。老身所聞者。但有貌佳宋子者。固崇尚道德之人。然亦不能忘情於豔色。卽言曰。以我聞之。新嫁娘下體。豐於上體也。此語至污穢。無禮在他人言之。密佛必怒。顧出諸保正之口。乃嘿不敢抵。此時東貝家錦天繡地。人亦紛綸。家人於四旬鐘起。至於六旬鐘。衣粧皆竟。土林森及侍婢。今日忽呶呶。僞爲口角狀。然皆俏語。非復憤爭。其故皆起於廚娘。廚娘。

謂以家中一人娶。遂累及羣人。如皆娶者。侍婢則不以爲可。力與抗辯。土林森獨快。快以主人之度密。月竟僱一外國人同行。乃不已屬。忽大言曰。凡爲外國人。皆非善人。欲主國事人。廚娘及侍婢。均不謂可斥爲偏見。土林森弗服。抗言曰。外國人之最有力者。無如拿破倫。波奈巴。汝觀其腦力。何如者。他人均無言。侍婢卽曰。汝言良然。而外僱之廚丁。方倥偬於竈下。而女王所倩高大偉碩之兩紀綱。亦正側立而注目。中有一人。方漏其酒臭於口鼻間。二目上仰。如視一物。實則初未之覩。口中呼醉。乃不了了。蓋醉中欲專發一言。亦復不能自主。而門外奏樂及奏技者。亦已聞知。則陰賂土林森。示以時刻爭來。乞賜於東貝。凡熱鬧之事。初不止東貝家之內外。爲之牽連而及者。尙多。迫處者。亦預迎其妻。雜於女僕中。觀禮禿齒。亦盛服如新郎。君摯同鬪雞。至於禮拜堂。觀東貝夫婦成婚。即於今日指示佛羅倫司之美。示鬪雞。言前此設喻之美人。卽爲彼而相思不已者。卽爲我。尙欲問計於鬪雞。得勾取美人之術。而公主街之討克司。亦晨起以一先零賂密佛。卽高樓祕密之地。得一坐處。觀此新娘。至於

木頭人肆中之船主亦易其謁東貝時之盛服晨餐後遂翻聖經演習與牧師對答之儀節以上皆與東貝家有連者也其下尚有二十餘之乳母尤其乳下之二十餘兒決以今日亦同蒞禮拜堂天下有如是之大典宜乎宋子之夙至密佛之驅逐市上小兒時女家貴戚如斐尼克司勳爵亦自他鄉回國觀此典禮勳爵在四十年前亦風騷場中之領袖卽今日老蒼而舉止尙佻健如狡童惟額多皺眼尾有鷹爪紋與少年略異耳且行路間欲面直而前又往往至於斜施蓋股病也此時東貝亦已盛服下樓至於梯次家中女客及家衆立分一巨衝但聞衣裳縕縕之聲惟迫處妻甚癡肥艱於讓路迴避主人不及適與東貝迎面則惶怖不堪鞠躬爲禮自念此罪狀或惟上帝肆赦之耳東貝高視闊步至退閒室待吉時衣藍色禮衣微赭之下裳作小鹿皮色各家女僕咸私議主人今日之髮亦旋螺矣忽聞門外有叩扉聲作二響知少佐已到衣上聚海棠花一簇髮亦螺旋讀者須知少佐今日如是盛服而家中土著之奴受笞蓋非鮮矣少佐旣見東貝則並伸其二手曰東貝汝佳東貝報言

曰少佐亦佳少佐卽以巨掌拊東貝曰東貝老約見爾新婚心中滋慕吾意今日欲成雙喜欲嫁新娘之母汝意云何者東貝固笑然顏色仍冷自念今日旣嫁愛迭司則女王卽爲其外母不能用爲謔浪老約知旨卽改口曰東貝老約深爲君賀今日之事令人健羨卽合英國言之香福亦不如汝此語一發東貝雖許可然尙未快意蓋自謂以極貴之身加恩於一貧女可羨者宜在於愛迭司已則施恩之人何云羨者而老約卽亦知旨則又言曰以我觀之舉歐羅巴之美人甯棄其珠寶爭願與愛迭司格蘭極易地矣東貝此時方有喜色始曰君乃過獎老約曰東貝汝亦自知之明我何爲貢諛況爾我交期何待如是始篤東貝曰如是言之愈坐實我矣老約僞怒曰東貝汝是非初不了了耶汝究竟許老約爲汝知己否果許我爲良友者當承此語否則卽於今日絕交東貝曰我親愛之少佐巴格司達克汝勿怒我也老約曰老約今日果怒不敢奉欺我心中所有口卽宣之前此東宮殿下語其弟公爵卽云心口如一我今日亦云東貝汝今信我乎東貝曰少佐吾乃承君偏愛耳老約仍怒

曰此語我愈弗承我何爲偏東貝曰非也非也直交情篤耳卽今日之事亦決不忘君少佐曰旣云如是老約之手在此上帝賜福於君正於此時卡格爾則華服笑容而入見東貝接手幾於膠固莫釋禮訖始迴面少佐曰天公亦爲主人翁做美試觀累日以來有佳天氣如是否吾來未晚乎少佐曰未晚正適其時卡格爾曰果爾者乃大佳吾道遇笨車乃不克進又先至女家送密昔司東貝花球因而遲遲中心惶恐不自己且今日爲吾主人翁大喜且加寵覩我安可無物以表小人之悃忱識主人之恩寵遂嚮東貝曰吾饋密昔司東貝以花者以密昔司何寶不儲卽亦無物足以比偶或且以野人一片丹誠貢此名花轉蒙貴人青睞東貝曰物微意重吾決密昔司東貝必喜無疑老約方飲咖啡曰汝云密昔司東貝者其人尙未證實若證實者爲時近矣於是東貝卡格爾老約三人同車至禮拜堂保正見車來則脫冠遠立而迎迓密佛則恭延入諸精室拂座茵請坐東貝不可欲流覽於堂中剛注目及於風琴之側討克司卽潛身石象之後避之船主見東貝卽出其袖中巨鈎揮而賀之

禿齒以手掩口語鬪雞曰中立衣赭色之袴者卽吾所愛美人之父鬪雞曰斯人何
倔強至是吾輩拳技中但予之以一拳當立時摺而爲兩而保正及密佛則遠立覘
東貝忽聞門外車聲知新人已至卽狂奔而出少須密佛先入與東貝爲禮言曰新
人已賚門外卽聞司禮者作聲止衆囂新人盛服入門昂首九天履聲亦挾傲兀之
氣然顏色仍華好不類昨夕之失眠其旁爲佛羅倫司娟淑妙美狀至可人二女固
皆美麗然至不同保正已入內室請牧師密昔司司格登王即女言曰吾親愛之東貝
吾自思不如聽佛羅倫司自歸爾家以我今日愛女爲汝所奪心中焦煩恐此幼女
之在吾旁亦滋不樂東貝曰吾女與姥同居亦善何斤斤恤此女兒女王曰仍聽歸
爲佳吾亦樂靜俟愛迭司歸時此女時其撫育吾不應力奪其愛防愛迭司奸也面
愛迭司曰兒以吾言爲當乎乃堅執其手令其放懷復語東貝曰吾已商之吾女吾
女知也語至此牧師已出密佛領女客至左保正引男處右牧師曰誰爲主婚嫁此
女與此男斐尼克司勳爵遂出此時蓋從德國新歸爲婚主答曰我主之前引愛迭

司顧足疾行微偏。乃誤引喜娘密佛卽立前扶勳爵近愛迭司。遂相將而前就牧師。牧師曰。汝今日在天主前許爾爲夫婦。汝願耶。此時東貝點首稱可愛迭司亦然。牧師曰。從今以後或貧也病也及不貧不病咸在一處。永永勿離。惟死始別。二人亦皆諾。新娘卽在簿中簽名密佛旁視言曰。我自觀歷來貴人書法咸無若夫人佳者。佛羅倫司亦簽名。乃手顫不已。時男女家皆簽勳爵所簽最後。乃誤簽別處。在生時之下。似此六十老翁今日生也。少佐旣與新人作賀。且與女王親吻。女王力避。少佐必強而親之。女王幾失聲而呼少佐。旣開端勳爵亦起作賀。卡格爾隨之。卡格爾牙齒盡露。似作囁新人狀。新人見卡格爾眼光中已示以拒絕之意。卡格爾僞不省行禮。後且致頌詞。且曰似夫人一雙佳偶可以弗加賀詞矣。其意隱言後且凶終無須貢也。愛迭司漫應之曰謝君見貺。卡格爾曰我送夫人花球竟蒙把握。不勝榮幸。愛迭司幾欲力擲其花。顧乃不可。遂近其夫之前。納手於其腕中。示意欲行而車已停門外。東貝挾新人登車旣出。二十餘乳母引二十餘雛咸加目注。見新人穿着卽歸。

將木偶人如法裝之。女王及勳爵亦與新人同車行。另有一車。少佐則將佛羅倫司之手。及喜娘登後。卡格爾亦入車箱。馬既神駿。昂首向天。御者均錦衣作花繡。行過時。衢之左右。可數千人。皆引目而觀。男女之未婚者。望之咸有妒容。則私歎人生得意。亦只此。須臾。久久言之能悉。樂如今日耶。討克司於羣人散後。始快快下樓。二目盡赤。素巾皆濕。中心雖悲。然尙弗怨。但祝其夫婦之齊眉。自知新娘貌勝於己。遠甚。則亦義命自安。無復尤懲。第思及東貝。今日身非吾有。則又淚承睫。不可自禁。歸途。仍簸簸而落。幸面暉厚。不爲人所見。船主克忒爾。於此次禱告時。應呼亞孟者。則皆一一答之。覺經此懺悔後。天良之舒泰愈多。迨禮畢後。尙執冠週行堂中。亦至小保羅墳上。讀其碑碣。禿齒旣見佛羅倫司。後出禮拜堂。情乃愈濃。鬪雞。此時決策。亦未定。惟思以一拳摺疊東貝爲二。則爲法最良。東貝家人多潛來觀禮。禮未畢時。已狂奔。先赴女家。乃密。昔司迫處。忽爾病作。狀至危險。紛亂中。以水沃之。旣愈。遂誤晷刻。保正與密佛。無事。則分據臺階。各出錢數之。並考覈今日之事。司鐘者。則又撞鐘不

已。以。喜。事。方。過。葬。事。來。也。此。時。東。貝。婿。車。已。造。外。氏。奏。技。者。輻。輳。門。外。木。偶。戲。者。亦。演。爲。壽。星。之。象。鞠。躬。與。新。婦。爲。禮。致。賀。觀。者。四。集。塞。途。此。時。密。司。忒。東。貝。挾。密。昔。司。東。貝。昂。然。入。斐。尼。克。司。大。屋。中。觀。禮。之。人。陸。續。而。至。惟。卡。格。爾。下。車。時。鬢。髮。似。見。樹。底。之。老。嫗。亦。在。人。叢。佛。羅。倫。司。則。見。所。謂。慈。善。之。密。昔。司。白。老。姆。者。已。擠。到。門。外。此。時。東。貝。入。賀。者。填。門。男。女。兩。家。親。串。駢。列。滿。堂。惟。人。數。不。多。耳。已。而。席。具。衆。均。入。餐。堂。賀。客。中。密。司。忒。赤。克。及。其。妻。羅。伊。莎。已。前。在。羅。伊。莎。曰。愛。迭。司。者。不。媿。東。貝。家。主。婦。遂。進。與。女。王。爲。禮。其。意。至。親。密。謂。何。以。生。此。賢。媛。女。王。大。悅。遂。互。飲。壽。杯。晨。來。被。酒。之。僕。人。此。時。已。醒。咸。侍。席。間。傳。遞。杯。盃。顧。席。中。恆。無。語。但。有。斐。尼。克。司。勳。爵。及。少。佐。最。有。詞。鋒。卡。格。爾。亦。最。善。笑。笑。時。恆。對。新。人。新。人。都。不。之。顧。飯。罷。勳。爵。起。立。爲。頌。詞。袖。覆。其。手。顏。色。酌。然。言。曰。老。夫。今。日。爲。倡。請。諸。公。賀。賢。夫。婦。以。壽。杯。語。方。出。口。而。少。佐。已。大。聲。贊。美。卡。格。爾。鞠。躬。點。首。深。以。爲。可。勳。爵。曰。此。次。句。亦。不。能。謂。句。語。至。此。格。格。不。能。下。少。佐。卽。四。顧。曰。衆。勿。聲。聽。勳。爵。言。卡。格。爾。已。微。拍。手。似。已。心。醉。此。演。說。

者之工勳爵曰此次大喜若稍不拘儀節者亦不爲違禮老夫雖非善於詞令之人當在下議院時往往於名流演說之後老夫亦繼蹤而前惟旣演之後半月恆怏怏以爲未善少佐及卡格爾已拍掌雷動深佩其撫謙勳爵笑而致謝後復言曰我雖無演說之長然義在莫辭則亦不能不盡吾分君輩亦知英人之特出於羣雄卽以能盡分見稱於列國老夫之意凡本分所在匪不努力而爲今日吾心滋樂蓋吾家德容工兼備之至戚同句語至此滿堂拍手聲震屋瓦勳爵不知座人之媚東貝也以爲同字之妙則又大聲言曰同句衆竟無聲勳爵不得已又言曰同一人並肩而坐今痛快言之即同我宜敬宜愛之東貝同坐也語至此與東貝鞠躬東貝亦起報禮衆見二人行禮皆肅然起敬勳爵曰老夫前此未與良友東貝晤者以老夫不幸句此不幸者蓋謂老夫在議院中開會貴族未嘗周集以昔日院中規模較近來爲肅總言之老夫不在家也少佐大歡以爲名言竟拍手不已知所謂不勳爵又言曰我雖不曾仰接清塵然深知吾良友東貝之盛德東貝本一商人實爲英國之商

人。且。實。爲。人。極。老。夫。雖。流。寓。他。國。或。將。來。東。貝。及。座。中。人。至。巴。登。欲。而。大。公。者。老。夫。
可。以。引。見。與賀喜不相涉一。惟。老。夫。雖。久。客。而。此。德。工。容。兼。備。之。愛。迭。司。吾。深。悉。其。佳。以。女。
之。德。工。儘。足。相。夫。而。理。果。有。福。媚。之。必。終。身。享。有。齊。眉。之。樂。今。吾。至。親。及。我。良。友。兩。
美。合。矣。甯。非。人。生。喜。慶。卡。格。爾。盡。力。而。笑。竭。力。而。點。首。勳。爵。曰。吾。今。賀。愛。迭。司。得。快。
婿。又。賀。吾。良。友。東。貝。得。贊。助。諸。君。聽。之。今。日。盛。會。敢。冒。昧。請。諸。君。勉。進。一。觴。此。演。說。
竟。大。家。無。不。拍。手。東。貝。乃。自。鞠。躬。並。爲。新。人。向。衆。致。謝。老。約。復。倡。議。請。衆。公。賀。密。昔。
司。司。格。登。賀。酒。旣。進。衆。賓。餘。興。已。盡。愛。迭。司。先。起。易。衣。備。出。行。度。密。月。而。家。人。爭。集。
廚。次。飲。酒。香。檳。如。流。水。炙。雞。及。牛。羊。肉。排。龍。蝦。生。菜。竟。如。山。疊。無。人。注。目。所。貲。之。僕。
人。此。時。眼。復。上。仰。其。同。伴。亦。然。女。客。滿。堂。皆。賴。其。頗。以。密。昔。司。迫。處。爲。最。蓋。樂。極。並。
其。家。事。乃。一。不。之。憶。此。時。果。有。人。問。以。自。是。抵。君。家。道。里。若。何。者。正。復。不。能。記。憶。土。
林。森。亦。對。衆。言。爲。主。人。主。婦。飲。壽。衆。亦。大。贊。酒。闌。興。尙。未。已。女。客。中。以。厨。娘。爲。領。袖。
建。言。必。樂。至。竟。日。抵。暮。當。觀。劇。衆。亦。贊。美。至。於。土。著。亦。在。贊。美。之。列。惟。以。黑。人。被。酒。

一目。作白色。向人女客。無不懾者。僕人中。尙抗言觀劇。後尤常跳舞。議發。衆亦無沮之者。時土林森與侍婢。忽復角口。婢主舊學言曰。婚姻者。天所命也。土林森主新學。則委之力。土林森謂此婢汝之言。此殆欲嫁耳。婢女流涕抗辯。謂卽嫁者。亦決不歸爾。所貨白髮之紀綱。則出而平亭曰。君二人實佳耦。我輩引滿爲二君祝。其團圓土林森氣平。復遷怒於隨行之法人罵曰。吾後此決不見外國人之面。語時憤極。目中兇光。呈露欲伸拳往毆。婢大驚。欲暈。甫欲暈時。忽聞樓上傳言。主人主婦將行。婢亦不暈。鬱然登樓矣。車停門外。新人已盛服。盈盈過甬道。東貝則遲之車次。恭候新人登車。佛羅倫司。亦已摒擋。將赴車歸。秀珊執女公子物事。待與同行。愛迭司甫出。佛羅倫司將與親吻送行。愛迭司見之。忽爾起慄。如不勝媿者。遂匆匆登車。微揮其手。車輪卽發。女王聞車聲。已遠。慈母之心。斗動。臥於溫榻。落淚數點。老約亦勸慰數言。而別。勸爵及卡格爾。先後告別。客散都盡。女王亦睡。以頭岑岑。不勝酒也。樓下人亦多霑醉。密昔司迫處。則心煩。欲嘔。且哭。其哭爲迫處也。告厨娘曰。當日才生九子。

尙爾戀家。今茲子多。乃復不戀土林森耳。中似聞歌聲。而頭顱乃若風輪之轉。婢女醉不能支。謂自裁。不得罪於上帝。亦甘早死爲得。然人人皆忘其時。謂至早者必爲夜中之十旬鐘。實則表中尙未至下午之三旬鐘。於是無一人語及觀劇跳舞事。女王之睡亦正酣。而樓下人鼾聲直與之酬答。餐堂中剩餚餘核。及酒污於案罋之上。雜冰凌。雞骨。蝦鬚。狼籍如山。直與興盡之人同其殘廢。至於八點。衆始蘇醒。人人大息。以爲過於狂妄。乃迅掃門宇。洗滌盤盃。如恒狀。迫處肆中事訖。亦至女王行殿。將護其德配。登車同歸。天已垂暮。佛羅倫司至家。遂入己室。見其後母爲之華飾寢室。燦然一新。入時去其華服。仍着素衣。遂執書讀之。而大狗卽臥其足下。女此時讀書。神不能凝。以居室雖華煥然。屋多人少。聲騷騷。然而無爲之憂思。不省來從何處。至憂煩不能已。遂掩其卷。狗以爲主人。舍書將與之戲。則以前足置女之膝下。以首觸女懷。爲樂。女如不之見。以眼中若爲霧蒙。蓋淚承其睫。思母及亡弟也。尤有繫懷之人。則僂而忒。蓋知其舟沈不審。人存與否。卽未死亦不審。飄流何鄉也。老約旣歸。卽

睡。睡後赴俱樂部。晚餐蓋已酒醒。遂與座人談今日事。且言新得一良友爲斐尼克司勳爵。勳爵者本日應宿逆旅。顧乃入諸博場。勳爵或非好賭之人。以足行弗正。遂至誤入彼間。

第三十二章

船主移家木偶人之肆。可數禮拜矣。然不因仇人之弗至。遂疏於防患。指婦人停居已恒自懟此地非天險。不可飛越。尤知居停之爲人。凜凜然爲女中英傑。必不以賓客之潛逃不加追攝爲是之故。恆杜門不復輕出。有時偶出。必待薄暮沿僻處行。若於禮拜日尤深匿無影。以是日居停無事。易於相遇也。無論家居及外出。偶見婦女冠笠。必逃匿。斂避不敢覲面。嘗思道中若爲居停所得。則力量萬不足抵思極時。或虞一身見獲。載以廣車納之黑屋之中。則永無重見天日之候。將何自聊。又思及百端罵詈。斥我潛逃。亦無顏對彼童孺人之見。船主無故汗沁沁出。卽知其畏懼居停也。故每一散步必汗漬。一次且未出之先。恆防不測。必堅囑巴伊拉。如傳遺命。言曰。果不。

審吾行踪者汝當治事如恒勿墜道德磨治器物必精必亮如我在家之時尤防見捉後無宣通消息之人乃思得一妙法授巴伊拉以口號縱不之見尙欲其傳播外人知其行止則仍用舵工之歌曰樂哉樂哉四字此歌巴伊拉習之數日聲容皆肖一日船主遂謂之曰孺子吾果受禽於人巴伊拉大驚曰船主何爲有此船主曰譬如我本約以夜歸卒乃不歸汝明日必至吾舊居之前幸勿示人以有意口中高唱樂哉苟聞窗中有人答歌則我仍在其中我知有策應汝卽遠行更一日者復至復作此歌汝卽街心立前立後巴伊拉曰吾應立何處船主大驚曰汝年已長胡乃不通本國語言立前立後者卽往來於街心汝何昧巴伊拉曰知之船主曰今且試來習其事乃入諸複室自竅竇中言曰汝外坐聽吾號令巴伊拉卽如言作歌復往來閒行船主大悅賜以六辨士旌其功能此策既定船主泰然以爲無後顧之患然仍時倩一篷車車窗嚴閉且以侵晨行想此時居停方入禮拜堂非險巇之時幸以深居簡出無敢招致禍患至東貝之行禮船主自以爲世交宜往伸賀不能不行行時